

SCRIPT OF MORNING GOJRI NEWS BULLETIN 19FEB 2025 1015HRS

مارننگ گوجری نیوز بولینٹن 19 فروری 2025

یوہ آکاشوانی جموں بے عبدالرحمان تیں خیر سُنو۔

CM OMAR ABDULLAH

وزیر اعلیٰ عمر عبداللہ نے کل اعلیٰ سطحی میٹنگ مانہہ شرکت کی ہے جس غی سدارت مرکزی وزیر داخلہ مات شاہ نے کی اس میٹنگ غو مقصد پارلیمان غی طرفوں جولائی ۲۰۲۲ مانہہ نافذ کیا گیا نواں فوجداری قوانین غ انفاز ور تبادلہ خیال کرنو تھویاہ میٹنگ مرکزی وزیر داخلہ غے زیر نگرانی جاری جائیزہ میٹنگاں غو حصو تھوجن مانہہ بکھ بکھ ریاستاں تے مرکز غے زیر انتظام علاقان سنگ ان نواں قوانین غا نفاذ تے عمل در آمد غو جائیزو لیو گیو وزیر اعلیٰ عمر عبداللہ نے کہیو ہے جے ان تبادلہ خیال غو محور ملک پھر مانہہ قوانین غا نفاذ جدیدیت انصاف غی تیزی تر فراہمی تے قانون غا نفاذ واسطے متاثرہ فریق ور مبنی نقطہ نظر نانہہ یقینی بنانو تھو وزیر اعلیٰ نے عوامی بیداری غی اہمیت ور زور دینا وان کہیو جے حکومت اس مانہہ اپنو کردار ادا کرے گی تے وسیع پیمانہ ور رسائی پروگراماں غے زیریے لوکل نانہہ فوجداری قوانین بارے آگاہ کیو جے گو تے اس مقصد واسطے سکولان کالجاں یونیورسٹیاں تے سماجی و سیاسی فودمز نانہہ شامل کیو جے گو تانجے شہری خصوصاً نوجوان اپنا حقوق زمے داریاں تے ان قانونی تبدیلیاں غا وسیع اثرات تیں بخوبی واقف ہو سکیں۔

MISSION YUVA

چیف سکرٹری اٹل ڈلو نے کل تمام شراکت داراں غے نال ایک میٹنگ کی تانجے جموں کشمیر مانہہ مشن یووا اسیامی وکاس ابھیان غے تحت کیا گیا ایک مہینہ ور بنیادی سروے غا نتائج غو جائیزو لیو جاسکے یوہ سروے جہیزو پہلی جنوری تیں ڈیجیٹل طریقہ سنگ کیو گیو محکمہ کاروباری افراد غی شناخت واسطے تربیت دتی گئی تھی۔ جناب ڈلو نے اپنا مشاہداں غے دوران اس سروے نانہہ خطہ مانہہ بیروگاری غا مسئلہ سنگ نمیزن واسطے ایک نقشہ تیار کرن مانہہ بنیادیت اہم قرار دتو۔

DC REASI

ڈپٹی کمشنر ریاسی ندھی ملک جہیزو شری شیو کھوڑی شرائین بورڈ غی وایس چئیر پرسن وی ہیں نے کل رانسو غو دورو کیو تانجے ترے روزہ مہاشیو راتری میلہ ۵۲۰۲ غی تیاریاں گو جائیزو لیو جاسکے جہیزو ۵۲ فروری تیں شروع ہو رہیو ہے اپنا دورہ غے دوران ڈپٹی کمشنر موصوفہ نے افسراں نانہہ ہدایت دتی جے وے بکھ بکھ مقامات ور منعقد رجسٹریشن کوونٹر قائم کریں تانجے عقیدت منداں غی سہولتا نانہہ یقینی بنایو جاسکے تے پہیز نانہہ موثر طریقہ سنگ منظم کیو جاسکے۔ انہاں نے رانسو مانہہ بس تے ٹکس اڈان غو وی معائنو کیو تانجے ہجوم نانہہ کنٹرول کرن واسطے مناسب انتظامات کیا جاسکیں صفائی تے حفاظت صحت نانہہ برقرار رکھن واسطے ڈپٹی کمشنر ندی ملک نے تریک غے نال تے نگر آلا علاقان مانہہ کوڑہ دان نصب کرن غی ہدایت دتی۔ انہاں نے پلاسٹک غا استعمال تیں گریز کرن ور زور دتو تے لنگر منظم تیں کہیو جے وے کھانا غی تقسیم غے دوران صفائی غو مناسب خیال رکھیں انہاں نے بڑی تعداد مانہہ زائرین سہولت واسطے تریک غے نال نال صاف ستھرو عوامی بیتلخلا نانہہ یقینی بنان غی وی ہدایت دتی۔ انہاں نے میلہ غا ماحول نانہہ بہتر بنان واسطے قصبہ مانہہ مناسب روشنی غو بندوبست کرن ور وی زور دتو انہاں غو کہنو تھو جے عوامی تحفظ تے سہولت نانہہ ترجیح دتی جے گی۔

UNEMPLOYMENT RATE

شہری علاقان مانہہ ۵۱ سال تے اس تیں زیادہ عمر گا افراد مانہہ بیروز گاری غی شرح اکتوبر دسمبر سے ماہی مانہہ کہٹ غے ۶ اشاریہ ۴ فی صد ور آگئی موجودہ مالی سال غی دسمبر مانہہ ختم ہوئی سے ماہی مانہہ بیروز گاری غی شرح ۶ اشاریہ ۵ فی صد تھی وزارت شماریات وپرگرام عمل در آمد غے مطابق ۵۱ سال تے اسی زیادہ عمر غا افراد واسطے شہری علاقان مانہہ کم کرن آلاں غی شمولیت شرح بدھ غے ۰۵ عشریہ ۴ فی صد ہوگئی جہیزو اکتوبر دسمبر ۲۰۲۲ مانہہ ۹۴ عشریہ ۹ فی صد تھی۔

CHAMPIONS TROPHY

آئی سی سی چیمپینز ٹرافی غو نوو شمارو اج دوپہر تیں شروع وے گو جس مانہ دفاعی چیمپینز پاکستان گو مقابلو نیوزی لینڈ تیں کراچی مانہ وے غویوہ مقابلو بھارتی وقت غے مطابق ڈھائی بجے شروع وے گو۔ رویت شرما غی قیادت مانہ بھارتی ٹیم پلک دوبئی بین العوامی سٹیڈیم مانہ بنگلہ دیش غے خلاف مقابلہ مانہ کھیڈین غا۔

DC DODA

ضلع ترقیاتی کمشنر ہرویندر سنگھ نے گزشتہ روز بجلی ترقیاتی محکمہ غا عہدیداران تے دیگے شراکت داران غے نال ایک جامع میٹنگ غی سدارت کی تانجے ضلع غا بجلی منظر غو جائزو لیو جاسکے تے اصلاح شدہ تقسیم سیکٹر سکیم تے پردھان منتری سوریہ گھر مُفت بجلی یوجنا غی پیش رفت غو جائزو لیو جاسکے۔ ان دفتر غا چیمبر مانہ منعقد میٹنگ مانہ پردھان منتری سوریہ گھر مُفت بجلی یوجنا تے اس غا فائدہ غا بارا مانہ بیداری نانہ فروغ دین ور توجہ دتی گئی ڈی سی نے پی ڈی ڈی غا عہدیداران نانہ بیداری مہیم شروع کرن غی ہدایت دتی خاص طور ور سکیم غا اندراج واسطے سرکاری ملازماں نانہ ٹیننو اُنہاں نے مزید محکمہ نانہ ہدایت کی کہ رجسٹریشن گا عمل نانہ تیز کرن واسطے متاثر کرن آلا تصویری پیغام تیار کریں۔

FISHERIES

محکمہ ماہی پروری یعنی مچھی پالن پونچھ غی طرفوں درکواستی متحرک مہم غو انعقاد کیو گیو تانجے پردھان منتری متنسیہ کسان سمریدھی ساہ بوجنا یعنی پی ایم ایم کے ایس ایس وائی غے تہت ماہی پروری غا شعبہ نانہ فروغ دتو جاسکے یاہ سکیم حکومت ہند غا سنٹرل سیکٹر سکیم غے تحت ۲۰۲۰-۲۰۲۲ مانہ شروع کی گئی تھی۔ تے ۲۰۲۱ء تک جاری رہ گی اس سکیم مانہ ماہی گراں ماہی پروری تے ماہی گیری سنگ وابسٹہ تاجراں غی این ایف ڈی پی پورٹل ور رجسٹریشن قرض غی درخواستاں غا نادراج قدر مانہ اضافہ غی اسنادار کاربدھان واسطے گرانٹس حاصل کرنو تے ماہی گیری غا کم و مصبار غا نظام نانہ اپنان جسی سہولت شامل ہیں ماہی گیری سنگ وابسٹہ متعدد افراد بشمول ماہی پروری غا نمائینداں نے اس کیمپ مانہ شرکت کی تے این ایف ڈی پی غے تحت رجسٹریشن غا فائیداں تے دوجا قیمتی پروجیکٹاں تیں مُستفید ہوا۔

NEWS READ BY ABDUL REHMAN
'NEWS EDITOR MOHD MUSTKEEM BAIG
SKILLED RAJAT
TECH. ASST. KOMAL
DEO NUSRAT